

Kjære Fjalerbu.

Tusen takk for at du støttar Fjaler Røde Kors!

Vi har lagt bak oss to vanskelege år med korona og nedstenging av samfunnet. Dette har også prega aktiviteten i Fjaler Røde Kors som har vore redusert i denne tida. Likevel er det viktig å ha medlemmar og frivillige som støttar oss.

Fjaler Røde Kors har i dag ikkje eit hjelpekorps då vi manglar frivillige som kan drive og vere med i hjelpekorpsset. Vi har jobba ein del med å få i gang att hjelpekorpsset, men dette har vi ikkje lukkast med - enno. Ser du verdien av lokal beredskap, og har du lyst og interesse av å vere med i eit hjelpekorps, så ta kontakt med Fjaler Røde Kors.

Fjaler Røde Kors driv førebyggjande arbeid for barn og ungdom, og vi støttar positive tiltak i Fjaler kommune som samsvarar med Røde Kors prinsippa. Der det er naturleg samarbeider vi også med andre lag og organisasjonar. Pengane frå medlemskontingenten er derfor svært viktig for å oppretthalde og utvikle slike aktivitetar.

Dei siste åra har vi drive med oppussing av Røde Kors hytta på Steiestølen. Dette arbeidet er ferdig våren 2022. Vi har skifta utvendig kledning, vindauge og dører og inne har vi måla romma i hytta og fått nytt kjøkken. Nye møblar og ei betre toalettøysing vil også komme på plass til våren. Røde Kors hytta vil då kunne leigast ut til andre lag/organisasjonar og personar.

Vi vonar at du vil stå som medlem og støtte arbeidet til Fjaler Røde Kors. Har du spørsmål til dette er du velkomen til å ta kontakt med oss.



Med beste helsing
Fjaler Røde Kors

Jofred Åsnes
Styreleiar Fjaler Røde Kors

Mobiltelefon: 91 17 21 64
E-post: joaasnes@online.no